

CNS4648

R GB 05-04 00156 BA203

Bah

Cuepacs - Lantik

KUALA LUMPUR, 5 April (Bernama) -- Presiden Cuepacs, Encik Mohamed Abas telah dilantik sebagai anggota Majlis Perdagangan Malaysia (MPM) yang ditubuhkan baru-baru ini.

Encik Mohamed menyatakan surat perlantikan itu yang ditandatangani oleh Perdana Menteri Datuk Seri Dr Mahathir Mohamad, diterima pagi ini.

Beliau mengucapkan terima kasih kepada kerajaan di atas perlantikan itu dan menganggapnya sebagai satu penghormatan yang tinggi serta membuktikan kerajaan tidak menysihkan kesatuan sekerja dalam merancang dan melaksanakan program pembangunannya.

+Perlantikan itu menunjukkan keyakinan kerajaan terhadap peranan yang boleh dimainkan oleh pekerja dalam menjamin kemakmuran negara,+ kata beliau.

Encik Mohamed berjanji akan memberi sumbangan seberapa yang terdaya bagi memastikan keberkesanan MPM, sebuah majlis yang dianggotai oleh pemimpin negara, pegawai tertinggi kerajaan serta tokoh korporat dan industri.

Antara matlamat penubuhan majlis itu ialah merancang dan melaksanakan strategi bagi menjadikan Malaysia sebuah negara maju menjelang tahun 2020.  
-- Bernama.

♥05/04/15-43MST